

Ålesund kommune gjer fleire tiltak for å ruste seg for å ta vare på koronasjuke:

Denne roboten skal gjere koronakvarden enklare

Ålesund kommune skal kunne ta imot pasientar med koronasmitta frå måndag av. Derfor set dei inn fleire tiltak. Eitt av dei er ein smittevernrobot.



Smittevernrobot: Denne smittevernroboten fekk Ålesund kommune leasa sist veke. Denne veka tok dei han i bruk. På biletet ser vi Sindre Søvik Erstad i aksjon. **FOTO:** ÅLESUND KOMMUNE

NYHETER

PUBLISERT:
26 MARS 2020 14:53

SIST OPPDATERT:
26 MARS 2020 14:53

Einar Orten Trovåg

einor.orten.trovag@smp.no



- Dette er ein dyr maskin.

Men på sikt er det heilt

klart rett å kjøpe inn

denne roboten, fortel

Aleksander Linge


Sommerdalen til

Sunnmørsposten.

Han er fagsjef for stab på ØHD (Øyeblankeleg hjelp døgnopphald) i Ålesund.

I første omgang er rett nok smittevernroboten leasa (langtidsleigd), men ein reknar med at han blir kjøpt etter kvart.

- Vi fekk roboten sist veke. No har vi drive litt opplæring og testa han dei siste dagane. Tre fire personar her kan no bruke han, opplyser Aleksander Linge Sommerdalen.



Drep 99,8 prosent

Men kva slags maskin er så denne smittevernroboten?

Ålesund kommune omtalar han slik:

«Roboten drep 99,98 prosent av alle mikrobar, virus og bakteriar i eit rom. Dette gjerast ved at rommet vert forseglia, og roboten slepp ut ei gassky av hydrogenperoksid. Sjølv smittesaneringa tar to timer.»

- Hydrogenperoksid er ei tjuktflytande væske som det blir laga damp av. I rett koncentrasjon så drep væska organisk materiale, utdstrupar Aleksander Linge Sommerdalen.

Kan flyttast eit stykke

Smittevernroboten er altså eit middel i kampen mot koronasmitte.

Han kan også nyttast rundt om andre plassar i distriktet, men ikkje attor langt vekk frå Ålesund.

- Vi får vurdere i kvart tilfelle. Det finst jo også andre smittevernrobotar enkelte plassar, som i Sula, fortel Aleksander Linge Sommerdalen.



ØHD: Dette bygget stod klart i 2017 og husar mellom anna ØHD-avdelinga. I likskap med sjukhuset ligg bygget på Åse. **FOTO:** TOBJØRN EIDHAMMER

Ti senger på ØHD

Å lease ein smittevernrobot er berre eitt av fleire tiltak Ålesund kommune no gjer for å kunne ta imot koronasmitta frå måndag av.

Pasientane det er snakk om er dei som er for sjuke til å vere heime, men for friske til å ligge på sjukehus.

Eventuelt pasientar frå stader der det er vanskeleg å etablere lokale smitteverntiltak.

På ØHD, som er ei interkommunal avdeling for pasientar frå Ålesund, Giske, Sula, Vestnes og Fjord, vil det frå ti senger klare.

- Vi skal kunne ta mot pasientar frå alle samarbeidskommunane. Talet på plassar kvar kommune har til rådvelde, er regulert i avtalen. Men vi har planar for utvidingar, dersom behovet for fleire plassar melder seg, fortel verksemdleiar legetenester og akutt helseberedskap, Per Løkkeborg, i ei pressemelding frå Ålesund kommune.

ØHD: Dette bygget stod klart i 2017 og husar mellom anna ØHD-avdelinga. I likskap med sjukhuset ligg bygget på Åse. **FOTO:** TOBJØRN EIDHAMMER

Sjukeheimen kan brukast

Ifølgje Per Løkkeborg betyr dette til saman 16 plassar som er sett av til pasientar med koronasmitte.

Det blir elles opplyst at ØHD-avdelinga skal bemannast med fire på dagvakt, tre på kveldsvakt og to på nattevakt.

Aukar behovet kan bemanninga styrkast.

Dette ordnar dei ved a omdisponere personell internt og hente inn ressursar eksternt.

Disponerer om mannskapet

Vidare opplyser Ålesund kommune at det blir oppretta inntil 20 nye sjukeheimspllassar i mellombels avdelingar ved Eidet omsorgssenter (mellom Vatne og Tenfjord) og Ørskog sjukeheim.

- Desse plassane er mellom anna tenkt for pasientar som er meldt utskrivingsklare frå sjukehus, og som ikkje er smitta av koronavirus. I tillegg har vi ekstra kapasitet dersom vi må gjøre ytterlegare endringar på bruken av smittesenger ved Ålesund lokalmedisinske senter. Pasientane skal framleis vere trygge på at dei får forsvarleg helsehjelp, melder kommunen.